

Fwencingz Cejnuengx

☐Luz Anhrungz / 陆安荣

Ndwencieng ngoenz co'ngux,
Raeuz doxma lienzvuen,
Ndaej cienzmbanj donzyenz,
Dangq ronghndwen cibngux.

Caezgya sim doxgiet,
Raeuz daegbied simvuen,
Saehhwng vunzmbanj muengz,
Bouxboux gien ngaenzceij.

Cejnuengx sim lienz sim,
Dangq vagim nyaenx bauj,
Caezgya ndaej haeujngaeh,
Lumjbaenz ngaeux lienz sei.

Raeuz haq okrog bae,
Sim caez geiq bouxlaux,
Dahdah cix hengzhauq,
Geiq bouxlaux lwglan.

Ngoenzneix raeuz baenzndei,
Aeu swnh eiq bouxlaux,
Doiq bohme hcongahauq,
Bouxlaux sim hix vuen.

Raeuz bouxboux baenzgya,
Ndaej haiva gietngveih,
Bouxlaux doiq raeuz meij,
Raeuz gaenjgeiq vanzaen.

Neix raeuz ra ndaej gwn,
Hwnj ranzlaeuz cauhyga,
Bouxboux ci max ca,
Cienq dauqma hoizbauq.

Gyahcangj daengz raeuz dang,
Han daejliengh bouxlaux,
Ciengxlwg hung gwnlaeuj,
Youh aeu you guhranz.

Bohmeh ciengx raeuz hung,
Bwnq cuk youh bajhaex,
Ngoenzgonq raeuz lij saeq,
Meh fugsah baenzhwnz.

Bohmeh doiq raeuz ndei,
Cien bei(bi) hix aeu geiq,
Baeznaengz daengz cietheiq,
Raeuz geiq ma damcaen.

Vaq dumz meh youh rieg,
Dungx iek meh youh gueng,
Buh vaih meh youh fong,
Seih siengjdong(maqhuz) sinhoj.

Lij saeq caengz doengsaeh,
Caengz ndaej vanz aencingz,

Neix raeuz hung baenz vunz,
Dang vanzaen bouxlaux.

Hoh lungzbaj auliuz,
Bouxboux ciu bakseiq,
Hoh gosauj nuengxsaeq,
Beij vuengzdae qcwxcaih.



Byaheu, raemxsaw caeuq aen mbanj doxgap baenz fuk veh
lajmbanj swnghdai gvaeunde. Yi Sienghceenz ingi.

Hauqgingq Bohmeh

☐Vangz Gozgvanh / 黄国观

Naeuz bouxmbwk bouxsai,
Wnggai aeu roxndeq,
Ndiep bouxboh bouxmeh,
Aeu roxndeq cingq baenz.

Ndiep bouxboh bouxmeh,
Roxndeq guh couh deng,
Bouxboux bohme hcongahauq,
Guh mbouj deng doxnaeuz.

Meh raek(bazlwg) raeuz baenz eng(lwg),
Seng raeuz ciengx raeuz geq,
Naeuz gak boux roxndeq,

Ndiep meh raeuz ciengxlwenx.

Bohmeh seng ndang raeuz,
Muengh raeuz hung baenz vunz,
You daenj caiq you gwn,
Aenhwnz mbouj baenz ninz.

Bohmeh seng ndang raeuz,
Caiq aeu haeux daeuj bwnq,
Ngoenz raeuz hung baenz vunz,
Miz gwn heuh bohme hcongahauq.

Daengq bouxmbwk bouxsai,

Wnggai ndiep bohme hcongahauq,
Naengh miz saek gaiq nyeq(noh),
Hawj bohme hcongahauq gonq.

Hungmbwk dwg bohme hcongahauq,
Gyoengqde ciengx raeuz hung,
Naeuz gak boux daengxcungq,
Aeu cunhcung(aeueiq) bohme hcongahauq.

Miz raemx cij miz bya,
Miz naz cij miz haeux,
Miz meh cij miz raeuz,
Yaek aeu ndiep bohme hcongahauq.

Lauxdoengz

☐Moz Lijinz / 磨礼勤

Lij Danenz caeuq Vangz
Gencingh gapdoengz le, couh heuh
Lungzinhg caeuq lauxdoengz moq
bae ranz de gwn laeuj, youh heuh
beixnuengx doengzdangz daeuj
doxcaez nauhyied. Yienz naeuz de
mbouj dwg caiz lai sing gok, lai bi
daeuj, de daiq vunz ndaw mbanj
caeuq mbanj gaenhlaenz okbae guh
hong dajcang, gangj ndaej daengz
guh ndaej daengz, miz byawz mbouj
haenh de!

Vangz Gencingh roxnyinh, miz

lauxdoengz bonjsaeh baenzneix
hung, gijmaz saehcingz banh mbouj
swnh!

Vunz ndaw mbanj bingzciengz
maij haeuj laeng de bae gangjgoj,
ngoenzneix ndaejnyi naeuz de daiq
lauxdoengz moq dauq, cungj siengj
yawj mbat ndeu doengz neix
baenzlawz yiengh. Seizhaenx cingq
dwg seiznit, cib lai boux vunzmbwk
youq ranzdajcawj byoqfeiz, raen
lauxdoengz moq lauxlaux saedsaed

naengh dwk yawj vunz lai caimoiz,
miz boux beixnangz ndeu sing
daemq naeuz: “Dwg duz cwzdaeg
ndaem ndeu.” Gyoengq vunzmbwk
riu dwk yungh fajfwngz fung bak,
mbouj hawj gyoengq vunzsai
ranzding ndaejnyi.

“Vunz ndaem cixbah hangzbaz
cix soem dem.”

“Gij byoem de ngutngut
ngeungeu lumj byozrum.”

“Gou yawj lumj rongzgagq

faeg gyaeg”

Gangjdaengz Lungzinhg,
gyoengq vunzmbwk haenh naeuz
Lungzinhg dwg boux vunzsai yiengh
gyaeu ndeu, youq Namzningz guh
seng' ei q lai bi, miz geij aen
bouqdiemq, song bi gonq hai aen
cangj ndeu, guh niswjfwngj,
couhdwg hoi gvet ciengzhau yungh,
ngoenzneix song lauxdoengz yawj
hong laeuz le, Lij Danenz heuh
Vangz Gencingh bae cimh
Lungzinhg aeu hoi. Lungzinhg miz
geij lai angq!

“Aenq aeu geij lai bau?”
Lungzinhg cam, songda de gig
rongh, rongh dwg song lauxdoengz
hawj, dwg rongh maqmuengh!